

不載譯入附東晉錄

刪

聞如是一時佛遊於王舍鷄山從大衆比丘比丘二百五十時摩竭王阿闍世與越祇不相得衆臣議言越祇自恃國富民衆地沃野豐多出珍寶不首伏我當往攻伐國賢大臣名曰雨舍梵志種也王命使行稽首佛足敬問消息興居輕重氣力遊步德化日昇言阿闍世與越祇有憾衆臣之議欲往攻伐願聞衆祐有以教之大臣受命即嚴車五百乘騎二千步人二千行詣鷄山到小道口下車步進見佛歡喜貌色恭辭氣重指讓畢長跪言摩竭王阿闍世稽首佛足敬問消息興居輕重氣力遊步德化日昇佛言甚善王與國人及汝皆安不爾舍自言王與越祇有憾衆臣之議以彼自恃國富民衆地沃野豐多出珍寶不首伏我欲往伐之願聞佛教佛報大臣昔吾一時曾遊越祇正躁神舍見其國人皆多謹勅我時為說治

國七法不危之道其能行者日當興盛未之衰也即又手言願聞七法蓋何施行佛言諦聽對曰受教時賢者阿難住後扇佛佛言阿難汝寧不聞越祇國人數相聚會講論政事修脩自守對曰聞其數相聚會講論政事修脩自守佛言如是彼為不棄汝聞越祇君臣常和所任忠良轉相承用對曰聞其君臣常和所任忠良轉相承用汝聞越祇奉法相率無取無願不取有過對曰聞其奉法相率無取無願不取有過汝聞越祇禮化謹敬男女有別長幼相事對曰聞其禮化謹敬男女有別長幼相事汝聞越祇孝於父母遜悌師長受識教誨對曰聞其孝於父母遜悌師長受識教誨汝聞越祇承天則地敬畏鬼神敬順四時對曰聞其承天則地敬畏鬼神敬順四時汝聞越祇尊奉道德國有沙門應真及四方來者供養衣食卧牀疾藥對曰聞其尊奉道德國有沙門應真及四方來者供養衣食卧牀疾藥佛言夫有國者行此七法難可

般泥洹經卷上 第三編 刪

得危雨舍對曰使越祇人持一者尚不可攻何況有七國事多故當還請辭佛言可置知是時即從坐起礼佛而去是時佛勅賢者阿難請鷄山中諸倚行比丘令會講堂即請志會稽首畢一面坐佛告諸比丘聽我所言善念行之皆曰受教佛言比丘有七教則法不衰何等七教一當數會講誦經道無有懈怠二當和順忠正相教轉相承用三當無取無願於他唯樂山澤四當絕望長幼先後相事以礼五當慈孝承事師長受識教誨六當奉法敬畏經戒以修梵行七當遵道供養聖衆開解童蒙承學者受給施衣食卧牀疾藥如是七法可得久住又比丘有七守則法不衰當善念行一守清淨不樂有為二守無欲不貪利養三守忍辱無所諍訟四守空行不入衆聚五守法意不起衆想六守一心坐禪定意七守約損衣食農疎草蓐為牀如是七法可得久住又比丘有七敬則法不衰當善念行一為敬佛善心礼事無他倚行二為

般泥洹經卷上 第三編 刪

敬法志在道意無他倚行三為敬眾
依受教令無他倚行四為敬學事持
戒者無他倚行五為敬聞事講授者
無他倚行六為敬淨無欲无他倚行
七為敬定事坐禪寂无他倚行如是
七法可得久住又比丘有七財則法
不衰當善念行一當有信見正喜樂
二當有戒慎護不犯三當有慙改過
自悔四當有愧順所言行五當多聞
諷誦無厭六當智慧深行微妙七當
法施勿望札脫如是七法可得久住
又比丘有七覺意則法不衰當善念
行一志念覺倚淨無淫捨分散意二
法解覺倚淨无淫捨分散意三精進
覺倚淨無淫捨分散意四受喜覺倚
淨無淫捨分散意五一向覺倚淨无
淫捨分散意六惟定覺倚淨无淫捨
分散意七行護覺倚淨无淫捨分散
意如是七法可得久住又比丘有七
知則法不衰當善念行一當知法佛
十二部經諦受誦論二當知議求諸
法慧博解其要三當知時可誦可步
可禪可卧無失時宜四當自知所入

法行多少深淺熟與初始志當曰勝
五當知節勿貪美妙適身節食无以
自病六當知眾入比丘眾梵志聖人
君子及士民眾分別知可敬可住可
坐可默可語七當知人觀其所好察
其志能隨意勸導令知聖化如是七
法可得久住又比丘有七惟則法不
衰當善念行一惟經道當如人念父
母父母生子思極一世惟法活人無
數世度人生死二惟人生無不有苦
憂念妻之家屬所有死各離散不知
所適若身有罪親不能解如此非常
當念行道三惟精進端身口意取道
不難四惟謙虛無自憍大承事明哲
矜誨未聞惡傷教之五惟降意不馳
六情抑淫怒癡態無有邪行六惟軀
中但感臭穢風寒熱血无可貪者七
惟自觀形如真土日當念死天地開
闢生民以來無不死者世間如夢所
見欲受不知為化悟乃覺空當如是
幻勿以自欺如是七法可得久住又
比丘復有六重法當善念行可得久
住一為修身以起慈心依聖句通諸

清淨者行此重任和一受敬施於同
學無取無諍勉共守行行二為修口
善行以起慈心三為修意善行以起
慈心四為所見法際若得衣食應器
餘物終不受感五為持戒不犯不以
摸貲能用勸人六為若從正見得出
正要受道告盡度知見了行此重任
皆以聖句通清淨用和受敬施於同
道無取無諍轉相建立共守道行又
復比丘當為慈傷一切輻動至於緣
風必加慈心人之死亡當為悲哀彼
得為人如不聞道家室帝哭亦不知
死魂神所趣唯得道者能知之耳佛
為是故敷陳經法經不可不學道不
可不行天下多道王道為大佛道如
是寂為其上譬數十人俱共射准有
前中者有後中者要射不止必復中
准又如天下眾流不息皆歸于海比
丘如此行道不止會得解脫如佛法
教轉相承用諷詠佛語常用時誨四
輩弟子展轉相教如是佛經可得久
住彼時佛請賢者阿難俱之巴連帝
邑即受教行佛攝衣鉢歷王舍城去

行半道所頓止王園佛告諸比丘皆聽其為道者當知四諦凡人不知故走長塗宛轉生死無休止時吾是以啓汝意何等四一曰知苦苦是謂真諦二曰苦由習生是謂真諦三曰苦習盡滅是謂真諦四曰苦習盡受道是謂真諦於苦不慧不知故走長塗生死不休當以知此苦諦苦者謂生苦老苦病苦死苦憂悲惱苦受別離苦所求不得苦以要言之五盛陰苦已覺斯苦能斷愛習是謂得眼為極是生後不復有苦猶習者從愛苦習都盡受道之諦得眼見證為盡是生後不復有已見真諦得道眼者无復生死長塗永絕如是比丘又當復知道得八行何等八一以專心受佛經法二棄愛欲與世無諍三終不為然盜姪行四不欺說僥飾惡罵五不嫉妬貪吝不信六念非常苦空非身七觀形中臭穢不淨八不貪身知當歸土諸往古佛皆見此四諦諸當來佛亦見此四諦其有貪暴家居恩愛及樂世間榮名之壽者終不得是度世

般泥洹經卷上 第七發問

之道道從心生心淨者乃得道其次心端不犯五戒可得上天其次信道好學經法後可得作人若都欲斷絕地獄畜生餓鬼道者當以一心奉行經戒今佛為天下解脫生死開現正道其欲學者當諦思惟佛與賢者同難前到巴連弗止城外神樹下諸梵志居士聞佛從諸弟子來皆出城外欲覲見供養佛有持席薦有持瓶甕有持水漿及鉢燈者行詣佛所稽首畢一面坐佛告諸梵志居士人在世間好貪欲恣意者有五消耗一自放恣財產日減二自放恣危身失道三自放恣眾人不敬死時有悔四自放恣醜名惡聲周聞天下五自放恣身死魂神墮三惡道人能降心不放恣者有五豐德一自檢攝財產日增二自檢攝得近道意三自檢攝眾人所敬至死無悔四自檢攝好名善譽周聞天下五自檢攝身死神生天上福地人不自信有此五善宜思念之佛為眾人說法正化若干要語无不歡喜皆前稽首佛足繞三匝而去於是

般泥洹經卷上 第八發問

佛起到阿衛陳坐一樹下持神心道眼見上諸天使賢神守護此地賢者阿難從燕坐起稽首畢一面住佛問阿難誰告此巴連弗起城郭者對曰是摩竭大臣兩舍所建所其欲以遏絕越祇佛言善哉善哉兩舍之賢乃知此吾見切利諸神妙天共持此地其有土地為天神所護必安且貴又此地者近天之中主此地神名曰人意見所護其國久而益勝必多聖賢仁智豪俊餘國弗及亦莫能壞此城久久如欲壞時當以三事一者大火二者大水三者中人與外人謀乃壞此城南舍聞佛與眾弟子俱遊到此即乘王威嚴車五百乘出城欲覲見供養佛到即下車步入園門見佛歡喜顏色恭辭氣重揖讓畢一面坐佛為說法正化若干要語兩舍歡喜乃避坐言欲設微食願與聖眾俱屈威神佛以默如可之即起稽首繞佛三匝而歸大臣歸乃通夜具作好食嚴室內施牀座早行自佛食具已辦唯聖知時佛即攝衣持鉢與眾弟

般泥洹經卷上 第九發問

子俱到其舍就高座於衆前坐兩舍手自斟酌醖羹奉鉢致漿行澡水畢住白佛言已所施福願佛祝願此國土民一切天人使長得安佛祝願言佛助尔喜為天人供養士民作導飯佛比丘僧稱譽正法受道慧語奉行經戒都祝願此可敬知敬可事知事博施兼愛有慈哀心使汝一切常獲福利得見正道大臣歡喜佛復言汝於今世雖有官事緣由此福後必解脫若人得飯佛及真賢持戒者沙門祝願終不徒棄又當以知若欲在官及居位者不可有貪心不可侈心不可憍心不可虐心不可慢心去此五者後無咎悔死得上天除惡道罪佛說已從坐起出東城門兩舍退侍曰當名此門為瞿曇門佛度津渚又退名之為瞿曇津是時人民有乘舫舟渡者有乘小船或乘竹筏及木撐渡渡者甚眾佛坐定意自思往昔所作佛時身所更乘此撐舫不可復數今以解脫不復乘此亦使我諸弟子得離是佛從定覺自說頌曰

般涅槃經卷上 第十張 前

佛為海船師法槁渡河津大棄道之與一切渡天人亦為自解脫度岸得昇仙都使諸弟子縛解致泥洹彼時佛請賢者阿難俱之拘利邑受教皆行到坐樹下佛告諸比丘皆聽當持淨戒當思定意當解慧行此三者禪譽既豐又得離於姪怨癡垢是謂正度欲疾望此當力自解用盡是生入清淨行務如應作而知一心以善其性與世無諍已知世事宜自愛身靜居內思意志即明三垢已除便自得道心不復走亦無所著譬如國王為万姓主比丘自思惟能万端皆心為主佛與阿難俱到喜豫邑止河水邊捷祇樹下諸弟子且入城乞食已澡洗畢還礼佛住白佛言是因多疫到有死者朝所共聞有清信士玄默時仙初動或震叔良使賢伯宗兼篤德稱淨高十人皆死是輩喪身當趣何道佛告諸比丘此十人者已斷自然鬼神上生十八天上到不還地不復來下受世間法又是國死非但此也佛天眼見五百清信士悉如難提

般涅槃經卷上 第十張 前

等離三垢五道新死皆上生不還之地止取泥洹又有三百清信士已斷三結無姪怨癡昇頻來地後來下生當見告際復有五百清信女皆得四喜三結盡得溝港離三惡道生天人中不過七世當得應真於是佛謂諸比丘汝說彼死者為撓擾佛也然吾為佛不復受此亦當何懼微哉妙矣生死有時夫諸佛興雖曰生於世不佛法情矣何則如來法情已止無所不覺已了是生現說分明所謂妙者從有是令得是無有是不得是從是起今是生是滅者乃都滅所以者何用有欲求故為不明緣不明行緣行識緣識名色緣名色六入緣六入更樂緣更樂痛緣痛受緣受受緣受有緣有生緣生老死憂悲苦惱致是具足苦性習有生死之本轉如車輪行無休息從癡不明故有生死假令不明無餘無欲以滅則行滅行滅則識滅識滅則名色滅名色滅則六入滅六入滅則更樂滅更樂滅則痛滅痛滅則受滅受滅則受滅受滅則

般涅槃經卷上 第十三張 前

有滅有滅則生滅生滅則老死憂悲
苦慙惱致是具足苦性習有為都
滅矣故先為若說癡者有生死慧者
持道不復生死當思念此挫其心乃
不持復更生死之道又欲近道當有
四喜宜善念行一日念佛意喜不離
二日念法意喜不離三日念衆意喜
不離四日念戒意喜不離念此四喜
必令具足而自了見當望正度求解
身要可以除斷地獄畜生鬼神之道
以致溝港不墮惡地雖往來走天上
人中不過七生自得苦際彼時佛請
賢者阿難俱之維耶離國即受教行
佛樂拘利歷城中去到止城外故壁
女奈氏園奈女間佛從諸弟子自越
抵來即嚴車衣服從五百女弟子俱
出城詣奈園欲跪拜侍觀佛遙見其
五百女來勅諸比丘見是皆當低頭
內觀自端汝心彼好衣辟如畫瓶
雖表彩色中但屎尿當知好女皆盡
畫瓶輩也夫為道者不當惑彼故當
健制志惟分別是奈女來亦從我教
何謂健制已生惡法能即斷却治性

般泥洹經卷上 第十三經

精進自攝意端未生惡法能令不起
治性精進自攝意端未生善法意端
發生治性精進自攝意端已生善法
志立弗忘能使增廣治性精進自攝
意端是以當為寧破筋骨自碎身體
不隨心而為惡是為健制何謂志惟
惟內身循身觀惟外身循身觀以內
外觀思念分別斷不使意惟內痛循
痛觀惟外痛循痛觀以內外觀思念
分別斷不使意惟內意循意觀惟外
意循意觀以內外觀思念分別斷不
使意惟內法循法觀惟外法循法觀
以內外觀思念分別斷不使意是為
志惟何謂分別知可行不可行從其
正能別行是為分別夫能健制志惟
分別乃為有力非謂壯士多力而為
健也能去惡就善是謂健自吾求
佛與心諍以來其劫無數用不聽邪
心故今得為若世間作佛亦可休止
汝意久在不淨之中可自拔擢免斯
衆苦見是女來當如我教於是奈女
到稽首畢一面坐佛問言今汝諸女
意何如對曰受佛大恩得聞法教愚

般泥洹經卷上 第十四經

癡醒悟夙夜自勸不敢邪心佛告奈
女好邪嫗者有五自妨一者多聲不
好二者王法所疾三者懷異多疑四
者死入地獄五者地獄罪竟受畜生
形皆所致能自滅心不邪嫗者有五
增福一者多人稱譽二者不畏縣官
三者身得安隱四者死上天生五者
從立清淨泥洹道是以當自患厭母
人生病月期不淨拘絆搔杖不得自
在受行經戒可得如佛清淨之道佛
為奈女說法正化若干要語奈女歡
喜遊坐長跪白言欲設微食願佛聖
衆俱屈威神佛以默然可之即作札
而去去未久維耶離豪姓有諸離車
間佛從諸弟子來去城七里即乘王
威嚴四色車出欲見佛諸離車中有
乘青馬青車青衣青蓋青幢青幡官
屬皆青有乘黃馬黃車黃衣黃蓋黃
幢黃幡官屬皆黃有乘赤馬赤車赤
蓋幢幡官屬皆赤有乘白馬白車白
蓋幢幡官屬皆白佛見車騎數十萬
衆填路而來即告諸比丘汝欲見忉利
天上天帝苑中侍從出入者如此無

般泥洹經卷上 第十五經

異耶諸離車到皆下車步入素園作
礼畢一面坐佛為大衆說法正化育
一人字并賢避坐起整衣服向佛自
陳言每聞佛功德巍巍甚大天上天
下無不傾動常從在所夙夜敬仰服
重清化不敢有惱佛語并賢天下敦
哲乃知敬佛夫敬佛者自得其福死
皆上天不墮惡道於是并賢說頌
讚曰

敬謁法王來 心正道力安寂勝為佛
名顯若雪山 譬華淨无疑 得喜如近香
方身觀无狀 光若露耀明 唯佛智高妙
明威無瑕塵 願奉清信戒 自歸於三尊
是時坐中五百豪姓各解身上衣以
授并賢并賢持衣前白佛言是諸尊
者聞善言喜共以五百上衣奉獻世
尊願哀受之佛受已告言傳士當知
佛為如來至真等正覺明行成已善
逝世間解無上士道法御天人師号
佛衆祐出興於世有五難有自然之
法何等五佛出教化天下釋梵沙門
梵志龍神帝王以自然慧為世現證
開說真道上語亦善中語亦善下語

亦善至要義具清淨究暢一切敷演
是一難有自然法也佛說經於天下
聞者皆樂信學誦誦端身口意去邪
入正是二難有自然之法也天下人
民聞佛經道意去開解深之思惟皆
得明慧是三難有自然之法也天下
人民聞佛教誡多以受敬出三惡道
生天人中獲大利是四難有自然之
法也天下人民聞佛道奧深妙法言
解本生死緣之事斷情絕欲皆得出
要第一精進得應真道第二精進得
不還道第三精進得須來道第四精
進得滿證道是五難有自然之法也
凡人於佛而有又復之心以施少善
者皆得大福不唐棄也是故并賢當
自勗勉以學此得佛說已諸離車從
三起整衣服又手言本欲請佛而奈
女以奪我先頭須後日我等多務欲
還請辭佛言可當知時時即皆稽首
佛足繞三匝而去奈女通夜作濃美
食嚴飾室內晨施林座行白佛言食
具足辦准聖知持佛與衆弟子俱到
其舍就高座於衆前坐奈女手自斟

酌奉鉢致漿行澡水畢取小牀坐佛
前欲問法佛言我代若喜好布施者
後無怨畏多得稱譽善名日增衆人
受敬人能無慍仁慧為智如是無垢
安隱生天上諸天相娛樂佛為奈女
說法正化若干要說已皆歡喜佛諸
賢者阿難俱至竹芳邑止城北林樹
下是歲竹芳邑飢饉穀糴騰貴佛告
諸比丘是間飢饉乞求難得汝等宜
分部行別到維耶及越祇諸聚邑可
以無乏受教當行佛言比丘當知自
損得善無喜得惡勿憂食取支身勿
貪求美但坐嗜味受求之故生死不
絕夫知節身能自損者可得定意佛
為說法正化若干要語皆歡喜札佛
去各分部行到諸國邑佛獨與阿難
俱到衛沙聚是時佛身疾舉軀皆痛
佛念痛甚而弟子皆不在當須衆來
乃取泥洹宜為是疾自力精進以受
不念衆想之定即如其像正受三昧
思惟不念衆想之定以是忍意而自
得聞賢者阿難從一樹下起詣佛稽
首畢一面住問佛消息疾寧瘳損聞

聖體疾實用憂懼世尊得无欲取泥洹願有教令於眾弟子佛報阿難佛豈與眾相違遠乎吾亦恒在比丘眾中所當施為教誡以具前後所說皆在眾所但當精進案經行之向吾疾生舉軀痛甚即思不念眾想之定意不著疾故忍中正要者阿難我所說法中外僞志佛為法師无所遺忘所當施行自足可知我亦已老年且八十形如故車無牢無強吾本說生死有時無生不終極上有天名不想入其壽八十四千万劫彼亦有死是以佛起經於天下咸示泥洹大道以斷生死之本我今都為有身作錠令身歸為法教錠令法自歸彼何謂錠何謂自歸謂是專心在四志惟一惟觀身二惟觀痛三惟觀意四惟觀法健制思念斷不使想是為一切作法教錠當以自歸吾為此已重說如欲解者當精進行中外戒法必使如常其有自歸覺佛經道皆佛子孫今我委棄轉輪王位為天下作佛憂度三界汝等亦宜自憂其身以斷眾苦彼避雨

般泥洹經卷上 第十九章 別

時補繕衣畢佛請賢者阿難俱至維耶離受教即行既到止援猴館行乞食畢淋鉢澡洗又與阿難俱到急疾神地佛言阿難維耶離樂越施亦樂今此天下十六大國其諸郡邑皆樂熙連然河多出黃金閭浮提地五色盡人生於世以壽為樂若比丘比丘已知四神足是為拔苦多修習行當念不忘在意所欲可得不死一劫不啻如是阿難佛四神足已多習行專念不忘在意所欲如來可止一劫有餘佛重說是至再三時阿難意浸在邊想為魔所蔽矇矓不悟默而不對佛言阿難汝去到一樹下靜意自思即受教一處坐時魔波旬來曰佛意无欲可般泥洹教誨已周已訖可滅度矣 昔者佛遊憍留河上解說諸老曰吾為佛雖得自在不貪久住非謂今也所度亦畢可般泥洹佛報波旬吾所以至於此是未滅度者須我眾比丘及比丘尼令皆智慧承用經戒勸請未入使學者成亦以須我請清信士及清信女令得智慧承用經戒未

般泥洹經卷上 第三十章 別

入者入受法者成如是波旬吾以待此四輩弟子皆得法意展轉相教解諸童蒙使學成就是以至今未滅度耳魔曰可足時已畢矣佛言汝默如來不久是後三月當取泥洹魔心乃悅歡喜而去佛即正坐定意自思於三昧中不住性命棄餘壽行當此之時地為大動空中清淨佛之光明微照無窮諸天神來側滿虛空佛從定覺自說偈曰
無量眾德行 有為吾今捨 近遠應度者 已度應度者
賢者阿難心驚毛豎疾行詣佛稽首畢一面住白佛言甚哉世尊地動乃尔是何因緣佛語阿難九世地動有八因緣何等八天下地在水上水止於風風止於空空中大風有時自起則大水擾大水擾則普地動是為一也有時得道沙門及神妙天戒德隆盛欲自試力手按少地則普地動是為二也若始菩薩從第四天下入母胎明哲慈意欲見道化開發愚矓乃放神光震動天地令梵釋魔沙門梵

般泥洹經卷上 第三十一章 別

志一切見明是為三也若菩薩生出母胎時德感諸天淨無雲障神光遠照則普地動是為四也至於菩薩得無上道正真佛時普地大動天神四布稱揚佛名是為五也及已作佛初大會時法輪三轉天人則解此彼菩薩昇成大道光明遠照時普地動是為六也佛教將畢欲棄壽行不住性命乃大放光勸發天人則普地動是為七也如佛衆祐臨當壽身般泥洹時明無不照天神衆至則地普動是為八也阿難言今佛已為捨性命耶佛言已捨阿難曰昔聞佛說若有弟子知四神足多修習行專念不忘在意所欲可止不死一切有餘而佛道德過殊於此亦不可久止乎佛報阿難今汝言之豈不過耶吾與汝言四神足者乃至再三而若徑默沒在暗昧不發明想為魔所蔽而復何去具佛所說言一出口寧自違乎對曰不也如是阿難夫不智者既自發言而追違之我無是也阿難垂涕曰亦何駛哉佛取泥洹一何疾哉世間眼滅

彼時佛勸賢者阿難請維耶離國犍行比丘受教即請慈會講堂稽首畢一面住佛告諸比丘世間無常元有牢固皆當離散無常在者心識所行但為自欺思受合會其誰得久天地須弥尚有崩壞況于人物而欲長存生死憂苦可厭已矣佛後三月當般泥洹勿恠勿憂且夫一切去來現佛皆從法得經法且存但當自勉勤學力行持清淨心趣得度脫心識情休則不死不復生亦不復走於五道捨一身受一身也三陰已斷乃無飢渴寒熱憂悲苦惱之患人知正心天上諸天皆代人喜當以降心柔弱自損勿隨心行心之行無不為得道者亦心也心作天心作人心作鬼神畜生地獄皆心所為也從心行得起諸法心作識識作意意轉入心心也者取為長心志為行行作命為命與惠在行壽夭在命夫志行命三者相須所作好惡身自當之父作不善子不代受子作不善父亦不受善自獲福惡自受殃今佛為天上天下所尊敬者皆志

所為是故當以正心行法唯行法者能現世得休現世得安宜善取持諦受諷誦靜意思惟然則我清淨法可得久住可以慈度世間衆苦道利綏寧諸天人民比丘當知何等為法謂是四志惟四意端四神足四禪行五根五力七覺八道諦如受行可得解脫今法不衰彼何謂四志惟惟內身隨身觀惟外身循身觀以內外觀分別思念斷癡惑意惟痛之觀及意與法皆如初說何謂為四意端已生惡法能即斷却治性精進自攝意端未生惡法制使不起治性精進自攝意端未生善法即能發生治性精進自攝意端已生善法志立不忘能使增踰精進意端何謂為四神足思惟欲定以滅衆行具念神足其欲不邪不取無捨常守清行惟精進定惟意志定惟戒習定皆同文如初說何謂四禪棄欲惡法但念但行志樂無為成一禪行念行已滅內守一心志在恬靜成二禪行惟觀無婬心安體正分別見真成三禪行已斷苦樂元憂喜

想意已清淨成四禪行何謂五根一為信根意向四喜二為精進根治四

佛稱此來後身行極於斯若遂淪清虛於何觀聖果

意端三為念根念四志惟四為定根思四禪行五為智根見四真諦何謂五力一為信力喜意不壞二為精進力常能健制三為念力得志惟觀四為定力禪意不亂五為智力以道自證何謂七覺志念覺意法解覺意精進覺意憂喜覺意一向覺意惟定覺意行護覺意何謂八道正見正思正言正行正命正治正志正定是為度世清淨之法彼時佛請賢者阿難俱至拘利邑即受教行佛樂維耶過國中出城門迴身右轉視門而笑賢者阿難即整衣服右膝著地長跪問曰自我得侍二十餘年未曾見佛行以無緣如迴身視門而笑是何因緣佛言如是如是阿難佛之儀法不妄迴身虛而笑也我輩後見維耶離故視笑耳於是佛自頌曰

佛與阿難俱到拘利止城北林樹下告諸比丘當護淨戒當思定意當解智慧夫以守戒有定慧者成大德致豐譽永離貪癡瞋惡愚癡可得應真欲以現世望正度者當加自解令盡是生入清淨道已如應行乃自知身後不復受佛復請賢者阿難俱之健持邑止城北樹下坐告諸比丘當守淨戒思惟定意求解智慧守淨戒者不墮三惡惟定意者心不放散已解慧者去離受欲行無罣礙有戒定慧德大豐譽又離三垢終得應真欲以是身望得正度當勤求解令盡是生入清淨道作如應行乃自知滅後不復受佛又與阿難俱過掩滿邑及出金邑授手邑華氏邑至善淨邑慶慶為弟子說此三要曰當設戒當思定當解慧守此三者德豐譽大消癡癡是謂正度已有戒心則定心成定心已成則智心明如潔淨潔受色明好有此三心則道易得但當一意勤

身求解令盡是生已入清淨行如應者自知極此不復受生若不能具戒定慧行欲度世難有此三者意自開解坐而思惟便見五道天上人中地獄畜生鬼神分明悉知眾生意志所念譬如溪水清其中沙礫青黃白黑所有皆見得道之人但心清故所視悉見欲得道者當淨其中心如水渾濁則無所見持心不淨不得度世師所見說弟子當行師同不入弟子心中就正其念念意端者道自得矣佛已樂善淨又請賢者阿難俱之夫延邑止城北樹下坐晡時阿難從燕坐起到佛所稽首畢叉手問曰倉卒欲知地動幾事佛語阿難有三因緣一為地倚水上水倚於風風倚於空大風起則水擾水擾則地動二為得道沙門及神妙天欲現感應故以地動三為佛力自我作佛前後已動三千日月萬二千天地無不感發天人鬼神多得聞解阿難歎曰妙哉佛為無倫以自然法無不感動至德至道巍巍乃余佛言如是如是阿難佛德不

小乃從無數劫積累功德奉行諸善
自致作佛有是神妙自然法化一切
知一切見無不入無不化憶念我昔
以慈悲心若干百千人天下諸王君
子衆化住相見隨其像貌為安慰說
經道周流教化使得善意如是現化
遍於八方隨其國俗服飾語言相其
人行何法知何經而為演說授以正
道樂義言者為設典教解道理者為
說上要堅立其志已而捨沒設王君
子莫知我誰後皆就味敬承法化是
為佛之清妙自然法也又我阿難得
佛力遍入現化以佛儀法入沙門衆
為之師導已後化入梵志之衆又居
士儒林異學隨其被服聲音語言授
與經道一切成就為錯橫法已而捨
矻子曹皆受我教而莫我知是佛之
難有自然法也佛亦上入第一四天
王遍上第二忉利天第三焰天第四
兜術天第五不憍樂天第六化應聲
天周印魔又上第七梵天第八梵衆
天第九梵輔天第十大梵天第十一
水行天第十二水微天第十三水無

般涅槃經卷上 第三十八

量天第十四水音天第十五約淨天
第十六遍淨天第十七清明天第十
八守妙天第十九玄妙天第二十福
德天第二十一慧淳天第二十二近
天第二十三快見天第二十四無結
受天我皆周遍若干百千人是諸天
隨形融與相見樂清淨者為說清淨
這道意者勸使布化在清人者以大
其解法情即授以要訪勸導利化使
得道訖輒捨殺彼諸天輩莫知我誰
是佛之難有自然法也上餘四天皆
無形聲故佛不往第二十五空慧入
天第二十六識慧入天第二十七不
用慧入天第二十八不想入天如是
阿難佛恩廣大無不成憐然而難值
佛出世間如過波羅華時時有耳佛
所說法亦難聞聞已聞經法當受護
持護持云何我滅度後若有比丘言
我見佛口受是法是律是教然其言
說不近不經而虧損法當持法句經
所言律所見為解說之若經不入與
法意諍則當諫曰賢者且聽佛不說
是言子妄受與法意違非法非律不

般涅槃經卷上 第三十九

如佛教當知棄是若有比丘言我所
止得依聖衆有法戒者面受是法是
律是教然其言說不近不經虧損正
法當持法句經義律語為解說之若
經不入與法意諍則當諫謂賢者且
聽比丘衆者知法曉律此非法律吾
子妄受不應於經與法意違不如佛
教當知棄是若有比丘言我面從耆
舊長老者口受是法是律是教然其
言教不近不經虧損正法當持法句
經義語為解說之若經不入與法意
違則當諫謂賢者且聽耆舊長老知
法曉律此非法律吾子妄受不應於
經與法意違不如律教當知棄是若
有比丘言我得近賢才高明智達福
慧衆所宗事面從受是經法律教然
其言說不近不經虧損正法當持法
句義解說之若經不入與法意諍則
當諫謂正賢者且聽賢哲高明曉法
律此非法律吾子妄受不應於經與
法意違不如教佛知棄是又復阿難
若有言我得從佛受是法語而其言
謬不合經法若有言我從依聖衆奉

般涅槃經卷上 第三十

法者受而其言謬不合經法若復言我口從耆舊長老受是其言謬謬不合經法若言我從賢才高明智內福慧面受是語而其言非不合經法當舉佛語以解曉之趣使其人入經承律以為詳說佛經法教聖眾所承長老所明賢才所識賢者諦受如律教無得諍當知持是四若彼阿難有是四暗虧損正法當為分別令棄邪媚受四正意是為受持護法者也其不承經戒者眾比丘當黜之穢褻不去害善穀苗弟子不善壞我道法當相檢校無得以佛去故不承用教世有沙門奉行經戒則天下得福天神皆喜若聞在所有明經比丘長老比丘新人學者當從諮受如是則清信之士清信之女樂供衣食林卧疾藥比丘同道不可不和其墮地獄三惡道者皆不和故耳比丘不可轉相形笑言我知經多汝知經少知多知少各自行之言說應經者用不合者棄是佛所說比丘所受必善持之若令如後凡講論經當言聞如是一時佛在

般泥洹經卷上 第三十五

某國某處與某比丘俱說是經若其經是不得苟言非佛所說相承用如是者比丘法可得久住彼時佛請賢者阿難俱之波旬國弟子皆行佛以樂夫延歷城中去到止城外禪頭園中波旬家姓有諸華氏聞佛來到皆出作禮稽首畢一面坐佛告諸華氏智者居家恭儉節用所奉有四用得歡喜一為供養父母妻子二為瞻視人客奴婢三為給施親屬知友四為奉事君天正神沙門道士是謂知生全身安家得力得富足名聞死得二天佛為諸華氏說法正化若干要語皆歡喜去有華氏子淳獨留起整衣服長跪白佛欲設微食願與聖眾俱屈威神佛以慈哀默而可之淳喜為札而歸調作濃美嚴飾室內晨敷牀座舉行白佛食具已辦唯聖知時佛與弟子俱到其舍就高座於眾前坐淳手自斟酌奉鉢致漿有惡比丘已欲取器佛知之淳念聖恩善意供養行澡水畢取小鉢坐佛前說頌問曰

請賢聖智已度到彼岸法御為折礙將幾沙門

般泥洹經卷上 第三十五

佛告淳沙門有四當識別之一曰行道殊勝二曰達道能言三曰依道生活四曰為道作機何謂殊勝佛所說法不可稱量能行無比降心能度愛畏為法御導世間是輩沙門為寂殊勝何謂能言佛所稱貴微妙之法體解其情行之不謬亦能為人演說道迹是輩沙門為慈能言何謂依道念在自守勤絲學業一向不迴孜孜無倦以法自養是輩沙門為知生法何謂作機恣意所樂依恃種姓專為機行為眾致譏不敬佛語亦不畏罪是輩沙門為道作機凡人見聞將謂在道學淨智者如此而已當知是有真有偽有善有惡不可齊同以為一也彼不善者為賢致謗是故佛律黜夫惡者譬如苗中生草不去害未世多此輩內懷穢濁外如清淨若知福者信心奉道終不為彼起恨想也識善之人修已遠惡除欲怒癡故得道疾佛說已淳歡喜

般泥洹經卷上

甲辰歲高麗國大藏部監奉勅雕造

般泥洹經卷上 第三十五

般涅經卷下

不載譯人附東晉錄

步

彼時佛請賢者阿難俱之拘夷邑已樂波旬歷城中度行半道所佛疾生身背痛止樹下坐勅賢者阿難持鉢到拘遺河取水則受教行是時五百乘車屬渡上流水濁未清阿難行取水還住白佛言向羣車過水濁未清適可澡洗有無連河去此不遠請取可飲佛取鉢水澡面洗足於是以忍疾又得閒時諸華太臣字福願行遙見佛諸根寂嘿得上調意之滅淨具顏色明好心歡喜前礼佛讚讓畢一面住佛問福願汝於何得法喜對曰由於比丘力監昔我行道見力監坐樹下是時道上五百乘車過有人後到下車問比丘見前羣車不答言不見又曰寧聞車聲不答言不聞曰時卧耶言我不卧自思道耳其人歎言車聲幽幽覺而不聞用心何事難有乃余五百車聲尚且不聞豈他聞哉即施之以一染布衣我時聞此甚加其志

遂得法喜至于今日佛問福願汝知雷電霹靂孰與五百車聲對曰正使千車疾馳同響猶不能覺佛言曩昔一時吾遊阿沘其日晡時天暴雨震電霹靂然四特牛耕者兄弟二人世尊獨不聞乎吾言我定意覺伴經行一人來稽首作礼隨我而步吾問是何念念其人言向者雷震四特牛耕者兄弟二人世尊獨不聞乎吾言不聞曰時卧耶答言不卧自三昧耳其人亦歎言希聞得定如佛者也夫名霹靂聲聒天地而得寂定不聞者哉其人心悅亦得法喜福願讚曰
遇哉觀佛者 何人不得喜 福願與時會 令我獲法利 佛答頌言
受法者卧安 得喜忘念清 真人所說法 賢者常樂行 法護行法者 如雨之潤生 於是大臣勅其僕歸取新織成黃金罍手奉獻曰知佛不用願哀納之佛受其罍為說法之正化若干要語福願避坐言從今日始身自歸佛自

歸道法自歸聖衆受清信戒身不竊下妄取不姪姪不欺偽不飲酒不致肉不取有犯國事多故當還請辭即稽首佛足遶三匝而去佛勅賢者阿難取酒罍黃金織成罍來受教奉進佛取被身阿難見佛光顏從容舒暢明好殊紫金色長跪白言自我得侍二十餘年不識有如今日佛面光潤顏色發明願聞其意佛言阿難有二因緣佛色發明何等二謂初夜得佛元上正真之道妙正覺時及至終夜棄所受餘無為之情取滅度時吾今夜半當般涅涅故色發明阿難帝言何其缺哉佛取涅涅何其疾哉世間眼滅於是佛請賢者阿難至無連河佛到河邊著衣入水兩手舉衣自漂浴身已乃渡河於彼岸住整衣服告阿難朝從弟子導飯夜當滅度汝解淨意佛從汝飯即夜滅度天下有二難得值若得道值面供養者既解疑畏且有正報何等二一為若施飯食令彼得以食之氣力成無上正真為至聖佛二為若施飯食令彼得以食之氣

力素所愛餘無為之情而淑悲者今
淳飯佛當得長壽得無欲得大富得
極貴得官屬終生天上獲此五福語
淳勿憂宜用歡喜汝一飯佛而獲多
報當知佛者不可不敬經法不可不
學聖眾不可不事阿難白佛如慍比
丘性弊悞急好罵數說佛泥日後當
如之何佛語阿難我泥日後為慍比
丘作梵檀罰令眾默屏莫復與語彼
當為慍而自改悔

彼時佛勸賢者阿難施牀枕我背疾
即施牀枕伴倚右脅屈膝累脚卧思
至真正智之道於是佛請賢者阿難
令說七覺意阿難言唯昔從佛聞一
志念之覺佛用自覺成無以聖荷元
為上不姪捨分散意二法解之覺佛
用自覺成無比聖荷元為上不姪捨
分散意三精進之覺佛用自覺成元
比聖荷無為止不姪捨分散意四愛
喜之覺佛用自覺成無比聖荷無為
止不姪捨分散意五一向之覺佛用
自覺成無比聖荷無為止不姪捨分
散意六惟定之覺佛用自覺成無比

聖荷無為止不姪捨分散意七行護
之覺佛用自覺成無比聖荷無為止
不姪捨分散意佛言阿難已能言之
宜必精進對曰唯能言者當精進如
是阿難修行者得道疾即起基坐思
惟法意有比丘說頌曰

甘露化從佛出 疾如聽弟子陳
教以此勸後學 七覺妙宜諸賢
由佛興使我得 清自行無邪說
學當知正志念 愛喜法精進入
一向專護定意 如法解為淨智
有疾者宜聞斯 覺微想除邪思
是疾者為法王 道實出自此源
彼猶尚請聆法 况九夫而替聞
勝上首明弟子 未問疾務聽直
在聖哲猶不昧 何冗餘欲廢聞
若過時聞道俗 起他想必希異
如彼為非愛喜 佛之教無難思
愛喜者一向法 為無為心行寂
已正止無閒想 是名為法解覺
眾行滅智已淳 自歸此三世尊
願一切人天神 共學慈大道真
今聖師滅度後 眾賢必紹教明

佛經疏卷下 第四品 別

佛經疏卷下 第三品 別

享時講誦法言 願神骨助化行
彼時佛勸賢者阿難汝於蘇連雙
樹間施絕牀今北首我夜半當滅度
受教即施還白已具佛到雙樹就絕
牀側右脅而卧阿難在牀後垂頭啼
恆憶言一何駛哉佛取泥返一何疾
哉世間眼滅我諸同志從四方來欲
見佛者望絕已矣佛難復覩難復得
侍來而不見皆當悲慕子何心哉佛
問比丘阿難胡為對曰在後悲泣佛
謂阿難汝莫啼也何則自汝侍佛已
天身行常慈口行亦慈心行亦慈怨
以施安念慮詳審有心於佛雖彼往
昔過佛侍者為最供養不得踰汝亦
彼當求及現在佛之有侍者盡心供
養不得踰汝何者汝遠於佛而知宜
適若眾比丘每詣佛時可通見者常
得時宜若比丘及清信士清信女
輩每詣佛時可通見者常得時宜每
眾具學及諸梵志居士之輩來詣請
現可通見者常得時宜佛告諸比丘
天下極貴轉輪聖王有四難及自然
之德何等四若其屬國諸刹利王來

佛經疏卷下 第七品 別

親詣朝觀者聖王歡喜現為說法皆樂聽受遵奉奉行是一德也若諸奉道梵志之輩來親詣朝觀者歡喜引現為之說法皆樂聽受遵奉奉行是二德也若諸理家居士之輩來親詣朝觀者歡喜引現為之說法皆樂聽受遵奉奉行是三德也若彼偏林異學之徒來親詣朝觀者聖王轉現為之說法皆樂聽受遵奉奉行是四德也

又此比丘賢者阿難亦有四美難及之德何等四若諸比丘詣阿難所即歡喜與相見為說經法無不開解樂受奉行諸比丘詣清信士諸清信女詣阿難所即歡喜與相見為說經法無不開解樂受奉行是其第一四德復有四賢者阿難為諸比丘比丘尼諸清信士諸清信女說經法時心端言正無有二意聞者恭肅寂然聽受以寂靜故阿難博識無所忘忽是其第二四德復有四若諸比丘諸比丘尼諸清信士諸清信女有不解經及法律義以問阿難阿難即分別說

皆得解釋出後無不譽阿難者是其第三四德復有四佛所說十二部經賢者阿難皆諷誦念識傳為四若弟子說如所聞無所增減亦未曾偽是為阿難第四四德為難可及世間無比是時有化比丘當佛前住佛言比丘遊莫當吾前賢者阿難白佛言我得奉侍二十五載不自識有如此比丘無所聞答而直前者佛言阿難是化比丘又若千劫為大遊天致神妙有威德愛畏已除知佛期在夜半所以來者自今已後永不見佛故阿難言獨是天知佛當滅度耶佛言從拘夷城東西南北縱廣四百八十里諸天側塞無空毀壞皆憂歎馳擾不安其心念言佛滅度疾

賢者阿難問佛言近此左右有閼物大國王舍大國滿羅大國維耶大國佛不於彼般泥洹何正於此憍陁小域佛言阿難無謂此域為憍陁也所以者何古昔是國名拘鄰越大王之都城長四百八十里廣二百八十里嚴好如畫城垣七重下基四層起高

八尋上廣三尋皆作黃金白銀水精琉璃四寶瓦塹其壁牒尉彫文剟鏤地集觀訖及民室屋皆四寶成供道自生長多鄰樹樹亦四寶其金樹者銀葉華實其銀樹者金葉華實其水精琉璃樹亦如是微風動樹常出五音其聲濡悲如五絃琴樹間浴池池邊集鴈步渚相承中四寶臺臺陸欄楯屋壁牀枕一切四寶池中常有雜蓮蓮華青蓮漚鉢紫蓮拘怛黃蓮文那紅蓮芙蓉四願成行其邊道上又有七種奇華香氣馥芬冬夏常生五色光明其國常聞十二種聲鳥聲馬聲牛聲車聲象聲鐘聲鈴聲鼓聲鐃聲歌聲諸絃樂聲誦仁義聲歡諸佛尊行聲時有轉輪聖王名大快見主四天下以正法治自然大寶一全輪寶二白鳥寶三紺馬寶四神珠寶五玉女寶六蓮家寶七聖導寶王有四神德為童儻時八萬四千歲為太子時八萬四千歲為轉輪王八萬四千歲退服法衣八萬四千歲九壽三十三萬六千歲是其一神德也王能飛行遊四天下七寶導

從所至臣屬是其二神德也。雖正美色強健少疾身中和適不寒不熱是其三神德也。威神殊勝心常和悅明見正道以法化民是其四神德也。王每出遊布施興福慈人所欲求樂與求食與食衣被車馬華香飲食寶不逆人意慈於民物如父愛子士民慕王如子仰父王每出遊勅御徐行使國士民久得規見體性淳仁四方太平。又是其至德也。所部諸國凡八萬四千小王每朝覲時王大悅見皆請上殿歡喜安慰為說正法問國所之諸王答讓受天重賜自足為樂王又勅使各嚴所治令安我殿以正法化勿枉天民輒賜諸王衣冠履鞋車輦寶物受詔辭出莫不歡喜。是時大王所治法殿長四十里層階四重坐墊金白銀水精琉璃屋壁欄楯柱梁楹檼粉棧棟宇其上覆及下地狀座執筵皆是四寶。又法殿上有八萬四千交露摩杆悉施中帳金交露杆前施銀隆銀杆金隆水精琉璃杆隆亦然其文露間垂華懸果四寶雜廁而覆

般泥洹經下 第十卷別

帳上金銀織成赤黑文綃綺雜色四角珊瑚交露中施四寶獨座其殿四面浴池各縱廣一由延俠池生多樹樹八萬四千株長一由延諸交露杆大王出者即以駕為彼時快見以其所有施福甚眾且日常請沙門梵志上殿飯食王自思念日月流逝而吾將老當用是五所欲寶諸作等欲自約損修清淨行即但與一侍士俱升法殿入金交露坐銀御林思惟天下貪煙無奇生者要死形骸歸土所有萬物一切無常王起入銀交露坐金御林念合會者皆當別離憂慕元益當棄恩愛淨修梵行已又起之水精交露坐琉璃牀自念當與老病死寬改心易行除煙慈癡愚元為道已又起入琉璃交露坐水精牀再精自思當棄世間貪欲惡法思無為道守惟清淨成一擇行如是至大周遍諸杆於是八萬四千王女共白第一王女寶言天后所知我輩聞者未復親侍守情執敬願欲朝見答言諸弟還自嚴辦當便朝見即告聖導我善婦

般泥洹經下 第十卷別

女久未親侍敬仰之心皆欲朝見導臣即駕八萬四千為犀甲金鎧絡用寶珠白為玉朱龍尾為第一八萬四千馬犀甲金鎧絡用寶珠力馬王紺青身朱龍尾為第一八萬四千車犀甲之甲鎧用四寶聖導臣為第一八萬四千女女載一車五女寶為第一諸王導從詣法殿下侍士白言諸為馬車夫人小王皆來欲見王勅侍士施牀殿下王下法殿見八萬四千女服鎧靡麗時民歎曰是難言也王者嚴女乃至於此王女對曰我等久違不得親侍故嚴服來願得朝見於是王坐諸女皆前稽首畢一面坐王女寶前自言今是一切諸為馬車王女小王自天所有願小願意留心娛志又八萬四千國王王都為第一八萬四千杆大正杆為第一願天留意以養性命王答曰弟吾所以宿夜約已自損正心行慈者但欲遠離此貪欲耳何則女人嫉妬之態殃及吾身是以捨欲願離斯各王女寶垂泣言天王何為獨割愛欲謂我為弟離

般泥洹經下 第十卷別

弃惡情絕羣女望願聞天王所以戒之正心行慈為之奈何我等亦願相率修之王曰慈心正行不墮諸漏棄損貪欲修德守淨念生日少而命逝疾人物輩非常唯道為真善是以於諸為馬攀秤郡國小王婦女愛欲一切遠離不復繫意欲自憂身觀天地間無生不終諸第各宜正心行慈無以放恣墮諸漏也王女寶乃枝派言今天王約已自損不欲墮漏念生日少而命逝疾居憂身守修清淨計諸人物無生不終遠近所有不以汙意願奉明戒不敢有忘王以慈心答謝諸女皆遣去還升法殿入金夾靈秤坐念慈心都忘怨恨無所嫉惡進思大道無量德行普慈世間而自約省已復起入銀交靈秤坐念悲心都忘怨恨無所嫉惡進思大道無量德行普悲世間而自約省已復起入水精交靈秤坐念喜心都忘怨恨無所嫉惡進思大道無量德行普和世間而自約省已復起入琉璃交靈秤坐念護心都忘怨恨無所嫉惡進思大道無量

德行一切欲護而自約省以惟行此四大梵行却愛欲意多修清淨王行如是使得自在死時安隱身無痛痒辭如力士美飯一餐之須魂神逝生第七梵天時轉輪王大快見者則故世我身也如是同難誰能知此昔我宿命作轉輪王自然七寶行正法有四德常能不會彼時拘夷城傍行四百八十里皆在天王城中吾前是時又為剎利王已六投骨於此地中并彼為七今得作佛已斷生死從是已後不復造身我亦一切皆已周竟現於東方南方西方北方隨方教化三月轉終持骨此

法也佛勅阿難汝行入城告諸華氏佛中夜當滅度所欲施作當易時為無從後悔欲面從佛得開解者宜及是時即受教行入拘夷城見五百諸華氏募會議語阿難報諸尊者佛夜半當滅度所欲施作當易時為無從後悔欲面從佛得開解者宜及時行眾人皆驚而悲歎言何其大駛佛取泥洹何其大疾世間眼滅哀慟之聲聞于宮中王遣太子并諸華氏各將家屬俱詣雙樹到白阿難欲前札問阿難入啓太子阿晨與諸豪姓家屬俱未受三自歸不遠是夜佛請入即皆前稽首畢一面坐太子言佛身滅度何其太疾佛報言吾本已說世間非真無可樂者凡人貪壽思戀五欲感而無利但增生死更苦無量今我為佛以得自然無欲於此又宜自勉天下智者常願見佛樂聞經法已有是意當務立信立戒布施多聞廣學智慧建此五志以離垢慳然則世世當受富貴名譽遠聞生天安樂可得泥洹佛說已太子及諸華氏皆作札去於

是王與國中男女大小十四萬衆以人定時出詣雙樹到白阿難請見受誨前啓佛請入王將國中賢善者進稽首畢一面坐前無燈火佛放頂光照二千里佛言勞苦大王與群臣來王曰佛當滅度有何勅誠佛報王自我得佛四十九歲所說經戒一切具悉王國賢才皆已採取王與群臣慘然皆悲佛告王自古已來天神人物無生不死死而不滅唯泥洹使王胡為帝但當念善改往修來以政治國無加率暴厚待賢良赦宥小過務行四恩以綏衆心何等四一當布施給護不足二當仁愛親民如子三當利人化以善正四當同利與下共歡王如是者常得其福我宿命時行此四恩積無數世故得作佛初得佛已見泥洹喜自說頌曰

今覺佛極尊捨離淨無漏智為天人導從者得喜豫夫福報至使妙願志皆成勇疾得上脫吾將逝泥洹

王與衆者皆起禮佛遶三匝而去是時城中有老異學年百二十名曰

須跋聞佛夜半當取滅度自念吾有法望之疑常願瞿曇一解我意當及是時即起自力行到雙樹白阿難言吾聞瞿曇期在夜半請見使疑阿難言止止須跋無擾佛也須跋固請至再三曰吾聞佛為如來至真正諦覺明行成已善逝世間解無上士導法御天人師号佛永祐甚難遭值如經曇華百千萬世時時一有願一見折所疑阿難以為勞擾如未故不欲通佛神心微聽清淨過人從裏知之即勅阿難勿禁止聽使入是為最後當度異學須跋者也須跋得入忻然悅豫善心生焉見佛歡喜礼問恭辭氣重揖讓畢一面住白佛言欲有所問豈有開暇一決其疑佛言便問恣汝所欲聞可得解須跋問曰今世學者各自稱師有古龍氏有無失氏有志行氏有白鷲子氏有延壽氏有計金樊氏有多積願氏有屈疑子彼八子者有所述乎自知之也佛告須跋彼與佛異子曹自作貪生猗想以邪之道一曰邪見不知今世後世所作自

得好以下占享祀求福二曰邪思念在愛欲有諍怒心三曰邪言虛偽誑諛佞諂綺語四曰邪行煞生貪取有姪姝意五曰邪命求利衣食不以正道六曰邪治惡不能止善不能行七曰邪志志貪常樂痛身謂淨八曰邪定專意所望不見出要如是須跋昔我出家十有二年道成得佛開說經法但五十載自從捨家有戒有定有慧有解得度知見說正道者唯佛沙門非凡異也吾本所履有八真道第一沙門亦從是得二至四皆從是成若不見此八真道者彼為不得沙門四道所謂八真道者一為正見見今世後世作善有福為惡得殃知苦知習滅行得道二為正思思樂出家去諍怒心三為正言言諦至誠柔軟忠信四為正行不煞不邪无有姪心五為正命求利衣食以道不邪六為正治抑制惡行發起善意七為正志志惟四觀身痛意法解非常苦非身非淨八為正定一向無為成四禪行沙門梵志履此八正乃成四道能師

子乳我賢弟子行無放逸世間意滅故得羅漢於是須跋謂阿難言快哉賢者是利耶美寔未曾有蓋上弟子得值此者不亦妙乎今受聖恩了聞是法願得捨家受成就或阿難自佛異學漢跋願受衆祐自然法律捨家就戒沙門之行佛以可其就或之志曰是吾未後得證見淨者異思須跋也即授戒為比丘一心受不放逸以健制以志惟以斷却如所欲下諸縣被袈裟以家之信離家為道得法意昇淨行自知作證成解究暢為行如應已意通知賢者須跋已度世得應事坐自念吾不能待佛般泥洹便先滅度而佛後焉

彼時佛告諸比丘我滅度後當有如此外學他術在異生輩欲棄東觀求踐法者沐浴清化捨家就戒當聽可彼以為沙門何則用彼有大意故當先誠之三月知能自損用心與不若言行相應者為能捨罪先授十戒三年無失乃與二百五十戒其十戒為本二百四十戒為禮節威儀能行此

般泥洹經卷下 第七十四

者諸天代喜又尤憐望受律就戒作沙門者有四因緣皆有果樂進道之意我滅度後或難縣官求作沙門或年耆耄求作沙門或貧困求作沙門或習正行求作沙門若夫賢才正者老貧困及難縣官求為道者其於衣食趣得而已受誦法言如有獲行可得久住猶為從是今多人安多入得度世間得依利諸天人是故曰從法者現世得安現世得解當善誦受彼為何法今現世安得解度者謂佛所說十二部經一文二歌三記四頌五詩六本記七事解八生傳九廣博十自然十一道行十二兩現是名為法若以奉持護持法者即現世安可得解度但當誦受護持誦誦正心思惟令清淨道得以久住汝諸弟子當自勵勉無以懈慢謂佛已去莫可歸也必奉法教常用半月望時講戒六齋之日高座誦經歸心於經令如佛在又族姓子族姓女所當退念為有四事一曰佛為菩薩初下生時二曰佛始得道妙正覺時三日上頭

般泥洹經卷下 第七十五

說經轉法輪時四曰棄所愛餘無為之情般泥洹時當論思此念佛生時福德如是佛得道時神力如是轉法輪時度人如是將滅度時遺法如是次中末時有思念此起意行者皆生天上若以受此而有疑望非意在佛及法聖衆苦習盡道汝諸比丘當解所問令如我在為以是語面所問佛亦真弟子自所問告及從我解說之賢者阿難在後肩佛應曰唯諾皆已頭樂無一比丘有疑非意於佛法衆四師者也佛語阿難其已願樂如來正化於佛法衆苦習盡道無所疑者當棄貪欲慢慢之心遵承佛教以精進受黑惟道行是為最後佛之道令必共順之汝諸比丘觀佛儀容難復得親却後一億四千餘歲乃當復有弥勒佛耳難常遇也天下有漏曇鉢不華而實若其生華則世有佛佛為世間日恒憂除衆冥自我為聖師年至七十九所應作者亦已究暢汝其勉之夜已半矣

於是佛作一禪之思淨通第一禪又

般泥洹經卷下 第七十六

起一禪之思惟通第二禪又起三禪之思惟通第三禪又起四禪之思惟通第四禪又起空無際之思惟通空無際又起識無量之思惟通識無量又起無所用之思惟通無所用又起不想入之思惟通不想入又起想知滅之思惟通想知滅是時阿難問阿那律佛已滅度耶答言未也佛方思念想知滅之思惟阿難言昔聞佛說從四禪思惟至於無知棄所受餘無為之情乃般泥日時佛捨想知滅還思不想入捨不想入思無所用捨無所用思識無量捨識無量思空無際捨空無際思第四禪捨於四禪思第三禪捨於三禪思第二禪捨於二禪思第一禪從一禪思復至三禪便從四禪反於無知棄所受餘泥洹之情便般泥洹當此之時地大震動諸天龍神側塞空中散華如雨莫不歎慕而來供養時第二天帝釋下說頌曰陰行無有常但為興衰法生者無不死佛滅之為樂

第七梵天下說頌曰

般泥洹經下 第三卷 別

妙哉佛已棄一切世間荷廣遠清淨教三界中無比神真力無畏光明滅於茲賢者阿那律說頌曰

佛已無為住不用出入息本由自然來靈耀於是沒意淨無所著為人受斯疾施惠教已遍乃退歸寂滅惟茲遇佛者莫不蒙恩澤今已淪清虛求了時復出是時諸比丘皆蹙蹙徘徊呼言駛哉佛般泥日一何疾哉世間眼滅中有憂歎自悲念世間苦不得是道中有尸視惟心荷有從因緣起以作復作受非常苦生輒有死死則復生生死往來精神不滅莫致是虞賢者阿那律言止止阿難曉眾比丘上天見此以為荒迷安有捨家入自然律而不能用法利自解阿難拭淚而問上有幾天答曰從威耶越至迦茶蘭及熙連河四百八十里諸天充滿無有空缺徘徊騷擾皆言駛哉佛般泥日亦大疾哉世間眼滅中有憂歎自悲念世間苦貪欲所蔽不見斯道或相曉言佛說生死本從緣起意作復作受非常苦生輒有死死則復生識隨行

般泥洹經下 第三卷 別

走莫知泥洹佛已度世宜各精進夜至過半阿那律令阿難入告城中佛已滅度所欲施作宜及時為阿難入告城中諸華聞之莫不驚愕踊躍悲言何其駛乎佛般泥日何其疾乎世間眼滅舉城中相會聚奉持華香詣佛舍利稽首作札承事供養共問阿那律法云何答如教說轉輪王法佛當復勝諸豪姓言寧可假期七日欲奉伎樂華香燈燭展我曹心阿難答言恣聽所欲諸華即共作黃金鬘黃金釵林黃金棺為鐵柳具新劫波錦五百張氍毹是時四面人眾周滿四百八十里中皆貢伎樂華香來詣雙樹共舉佛身置黃金牀上而以伎樂禮事供養

於是諸華選眾童男使扶持疊牀欲至迦茶神地如闍維之而諸童子不能得前近佛昇牀又復更進至于再三了不得待賢者阿那律語阿難言所以不得昇佛牀者是諸天意欲使諸華童子倚牀左面諸天右面國人隨後共舉牀入東城門過佳城中施

般泥洹經下 第十四卷 別

天樂供養訖出西城門置漚荼地累積衆香乃闍維之阿難言諾敬如天願以告諸華皆曰敬從即使諸僮在面屬若干種繒繫牀左角天於右面屬諸天繒繫牀右角而縛之餘無數天於虛空中散天雜華而雨澤香是時婆賢大臣與拘夷大臣議欲以人樂讚紹天樂俱送舍利即如所議徐行入東城門周遍城中四衢道里巷處慶住施華香伎樂出西城門到漚荼地持劫波錦經佛身體五百張氎次經千過麻油澤膏灌滿金棺已內佛身舉黃金棺置鐵櫛中直藏既殯積衆香畢漚蘇大臣執火而欲燃佛積火至輒滅三進不然賢者阿那律語阿難言火所以不然者是諸天意見大迦葉將五百衆從波旬夾已在半道欲面礼佛故使火不燃耳阿難言諾敬如天願是時有異道士名阿夷維見佛滅度得天舅那羅華去至半道迦葉見之就車問子知我所事聖師佛乎即荅言我舉知之殷溫日已七日天人普會供養其身吾從彼

報恩經卷下 第三十次

求得此天華於是迦葉慨然不樂五百比丘中有徘徊擾擾即天乎悉佛殷溫日一可三夜世間根滅中有受歡悲傷念世間苦為思受縛不見斯道迦葉曉言諸賢者釋迦當知有身皆從緣起心作復作致非常苦生苦輒死則有生五道無安唯泥恒樂未得道者當求法利捨有為無所會則得至攝衣疾行可見佛身其衆中有名壇頭者亦釋家子與佛同出止諸比丘言何為復憂我事從今已得自在彼老帝言當應行是不應行是今彼長逝下世往耶迦葉不從行到雙樹至觀佛遺教謂阿難言及末闍維請見佛身阿難對曰佛身已纏覆用麻布散在金棺外積衆香匝漚荼雖未闍維固已難見迦葉請至三阿難答如初以為佛身難復得見於是佛尸從重棺裏雙出前足一切見者莫不歡喜迦葉稽首作礼見佛足上而有異色問阿難佛身金色是何故異阿難荅言有喜空母給首佛足墮淚其上故異色耳大迦葉又下悅

報恩經卷下 第三十次

乃喟然讚頌曰彼為滅不生不復受生死亦為不復會無有相逢惜本已捨恩愛不為別離愛當為求方便今致得是慶佛為五陰淨已斷不復有亦又不為有受是五陰皆為已畢盡有本亦已除當仍求方便令得如是安佛已斷世間愛欲一切解亦為悉能忍得離諸患難為已自安隱亦致天下安當為稽首是永得度三界佛所說經戒為世間最明已廣現正道審諦元所說亦遍活天下令得度生死諸得值佛者誰不受弘恩辟月照於夜為除陰冥闇如日照於晝能使天下明亦如電光現為變照厚雲佛明一時出郭已明三界一切所名河無過是崙河一切名大水亦為無過海一切星宿中月為第一明佛為世間導天上天下尊佛所以度世福施已周匝所說教戒行在在分明亦以法流布弟子樂受行今天人鬼神龍敬承行礼迦葉說已稽首佛足遶積三匝却住一面諸比丘比丘居清信士清信女天龍鬼神玉天樂神寶諒神金翅鳥

報恩經卷下 第三十次

神愛欲神馳軀神各前稽首佛足連
續三匝一面住畢於是佛積不燒自
燃賢者阿難時說頌曰

佛以中外淨為梵世之身 本垂精神下
而今措於是 錦纏懸千過 不用衣者軀
亦不以洗濯如一淨鮮明

至終其夜佛積燒盡自然生四樹蘇
憚屈樹迦維屠樹阿世觀樹屈拘類
樹國諸豪姓共檢佛骨感滿黃金甕
置于磐牀昇入城中者大殿上共作
伎樂散華燒香札事供養時波旬國
諸華氏可樂國諸拘鄰有衡國諸滿
離神州國諸梵志維耶國諸離提聞
佛止雙樹般泥日各嚴四種兵為兵
馬兵車兵步兵到拘夷止城外遣使
者言聞佛眾祐止此滅度彼亦我師
敬慕之心並來從君請佛骨分欲還
本土立起塔廟拘夷王言佛自來此
我當供養遠告諸君舍利分不可得
赤澤國諸釋氏亦嚴四兵來到報言
聞佛眾祐止此滅度是釋聖雄出自
我親實我諸父敬慕之心來請骨分
還立塔廟王答如初不肯與分摩竭

王問問世又嚴四兵度河津未使替
志三度入問消息致慈愍言吾不宿
夜信心支汝無取無諍今佛眾祐止
此滅度是三界尊實我所天敬慕之
心來請骨分汝其與我則我與汝所
有重寶願終共之王答曰佛自來此
我當供養謝汝大王舍利分不可得
也於是毛髮聚眾人作頌告言
今各撰躬 迄未拜首 謹遵末分
如我不與 堅止動眾 四兵在此
義言不用 必命相度
拘夷國人亦答頌曰
遠勞諸君 辱屈拜手 佛來遺形
不敢相許 如欲聚眾 吾斯亦有
俱命相應 則未為恐
梵志毛髮曉眾人言諸君皆宿夜承
佛嚴教日誦法言心服仁化一切眾
生尚念欲安且佛大慈故燒形遺骨
欲廣祐天下何宜當為毀本惠意舍
利現在但當分耳眾咸稱善皆謂舍
利稽首畢一面住了共使毛髮分之
於是毛髮持一髮受石許蜜塗其裏
分為八分已白眾言吾既敬佛亦喜

眾志願得者是舍利歸起塔廟皆言
智哉是為知時即共聽與又有梵志
名溫達白眾人言竊慕善意九地焦
炭歸起塔廟皆言與之後有衡國畢
道士求得地灰於時八國得佛八分
舍利各還起塔皆甚嚴好梵志毛髮
種邑道人大溫達還俾貢邑衡國道
士得地灰歸皆起塔廟舍利八分有
八塔第九塔第十塔第十一灰
塔佛從四月八日生四月八日捨家
出四月八日得佛道四月八日般泥
洹皆以佛星出時此時百草華英樹
木繁盛佛已般泥洹天下光明滅十
方諸天神莫不自歸佛
既分舍利又為遠方諸四輩弟子未
悉問故留九十日乃起塔廟諸來國
王豪姓人民家屬僕從皆齋戒九十
日在所遠方四輩弟子眾普會拘夷
共問阿難於何起塔阿難答言當出
去城四十里於衛致鄉四衢道中作
塔廟拘夷豪姓共作觀故石整縱廣
三尺集用作塔高及縱廣皆丈五尺
藏黃金甕舍利於其中置立長表法

輪杵蓋懸繒燃燈華香伎樂札事供養舉國人民得共興福大迦葉阿那律衆比丘會共議一日三十萬衆及諸國豪姓群臣得值佛時敬意行福終皆當生第四天上與弥勒會而得解脫拘夷國王當生第十二水天上至弥勒作佛時當下為佛造立精舍勝今給孤獨園阿難問大迦葉拘夷王何以不於弥勒佛求應真道答言是王未厭生死苦故未厭苦者不得應真阿難言我已患厭身苦不得離世間矣不得道迦葉答言汝但持或不行身觀坐倚生死餓貪想而生死行未休故也至九十日大迦葉阿那律衆比丘會共議佛十二部經有四阿含獨阿難侍佛久佛之所說阿難志諷當從書受恐其不得道尚有貪心欲持舊事詰責阿難與說高座三上三下如是者可得誠實皆言大善衆會坐定直事比丘返阿難出須臾又請阿難入礼衆僧未得道者皆為之起直事比丘處著中央高座於是謔言此非阿難座衆比丘言用佛

般泥洹經卷下 第三十段

經故震汝高座欲有所問阿難就座衆僧問曰汝有大過寧自知不昔者佛言聞浮提樂汝莫不對直事比丘勒阿難下即下對言佛為不得自在當須我言耶衆僧默然直事比丘又令阿難上衆復問曰佛為汝說得四禪足者可止一劫有餘汝何以嘿阿難下言佛說弥勒當下作佛始入法者應從彼成設自留者如弥勒何僧又嘿然阿難心忻衆比丘言賢者當如法意見說佛經對曰雖然如是三上阿難復後上言聞如是一時座中未得道者皆垂泣言佛通說經今何以疾大迦葉即送衆中四十應真從阿難受得四阿含一中阿含二長阿含三增一阿含四雜阿含此四文者一為貪姪作二為喜怒作三為愚癡作四為下孝不師作四阿含文各六十正衆衆比丘言用寫四文當興行於天下故佛闍維度自生四樹遂相檢服分別書佛十二部經戒律法具其在千歲中持佛經戒者後皆會生弥勒佛所當從彼解度生死履

般泥洹經卷下 第三十二段

般泥洹經卷下

癸卯歲高麗國大藏都監奉勅雕造

般泥洹經卷下 第三十三段